

後村先生大全集

三九

後村先生大全集卷之一百五十七

墓誌銘

方采伯

莆巨姓推方氏自端明蔡公貴盛時已與為昏至君伯父處士縉與龍圖陳公宏皆婚于參預龔公之家君幼侍伯父子隆乾間事及龔陳二家文獻耳目濡染歷歷記憶余先君先夫人鍾愛仲女弟聞君早惠許女焉及館甥先君不及見矣君事尊老孝謹處朋儕謙恭與仇儼相賓敬終其身不改度常以書卷自熏沐翰墨自陶寫有園數畝亭榭草木蓬窓棊几而

墳籍脩焉奉石勺水而仁智寓焉再薦于鄉祭上春
官不售慨然有罷舉之志不幸女適劉氏者先夫余
女弟繼沒君既鰥始親箱篋細碎之事又不幸王立
之子亦夫君悲傷慘戚歡悰益薄一日語余吾老矣
壯子家惟一孫未冠門戶緒業之重吾為此懼已自
託于縣官矣它日以懷也累公又徧以語親知余曰
君方強健顧諄諄如八九十者何也俄觸午暑訪余
共坐水軒踰時去與其友步月夜分而歸猶問家事
乃寢黎明家人呼之不應入戶視溘然逝矣若暴中
風者寶祐丙辰七月乙未也年六十配劉氏乃吏部

侍郎少師公某之女子男一人得一亦薦於鄉一女
適長忝主簿劉文礼皆前君卒孫男一人懷孫也其
年十月庚申懷孫奉君及劉孺人之喪乃合葬于延
壽溪龜湖之原君所自卜手封墳室務為堅固不可
毀又謀築精舍未果君蕭散而博雅于器自先秦至
歷代古物于書自南北金石至竹帛奇蹟于畫自顧
陸至唐宋諸名手皆究極端緒監定品目不差毫髮
他人藏者率真贗妍醜參半君所蓄匱洗鐫墨章草
行楷丹青絹素物物精妙皆可寶惜手自記錄付懷
曰世守之其篤好如此嘗彙累朝宸翰及名臣遺墨

十卷號墨林帖未刊者末二卷烏虜天既斬君一第
使之老壽與龍眠居士寶晉公雲林子周旋于筆硯
几席之間以滿足其冷淡之嗜好不亦樂乎而猶不
然何哉君名采字采伯曾祖潤祖駛特奏父思齊母
趙氏淳熙郎官伯适之女奕世俱稱長者銘曰蘧蘧
然知其身之蜣也盛盛然憂其孫之穉也昔余聞之
疑其戲也今余思之何其智也懷也善守之勿失墮
也

仲妹

余上世清貧先君嫁三女皆布衣後乃有登第者貢

士方君采字采伯之室余仲妹也幼為二親鍾愛君
亦有至性異于諸兒先君病君禱于佛乞以身代不
愈創服雜羹馘以進俟不愈君兩泣柴立及執喪不
茹葷血者三年其事魏國太夫人跣步不離左右寒
燠飢飽必問褐襲調膈必親里人以為孝女既嫁夫
有本生重親君嚴之如舅姑有庶生子君撫之如嫡
有姬妾君慈之如子夫喜賓客君潔罇箚以待夫購
書畫君脫簪珥以助若此類不勝書里人以為賢婦
魏國晚多疾君每棄夫家事來侍湯熨累月半載乃歸
魏國于竺乾之學早有所悟入名縉老禪望風屈伏

惟君機鋒足以相當如龐姬母子然俄而哭愛

猶自寬越三年哭魏國由哀毀致病以

練祭前一日卒乃淳祐己酉十月壬寅也年五十八子

男一人得一貢于鄉女一人適長泰主簿劉文禮皆

已卒孫男一人懷孫初采伯規新塋于延壽之龜湖

君葬有日矣而采伯暴亡懷孫卜以十月庚申奉二

柩合塋焉昔人以父母俱存兄弟無故為一樂以家

無暮功為盛事嗟夫余瀧岡之木已拱黃臺之

屢摘君與魚競處和俱不待六十非獨逝者不得

歸長夜之可悲而存者雖可年

非獨為吾家惜孝女而又為方氏惜賢婦
於贈宣教郎諱炳為曾大考于著作佐郎諱某
為大考于吏部侍郎諱彌正為考于魏国林夫人為
妣銘曰達也靈照隱也德曜鮑宗之賢曹娥之孝
于是數者皆可以銘銘之者誰白首之兄

林君

林氏居北郭者尤盛君名崖字希文以長樂
為曾大父隱君天覺為大父琪為父君羣從六七人
皆有俊聲角立競爽如渙荀陳晉王謝家然策于天
子之庭薦于鄉于漕者相踵也君少美風度衆中常

如玉雪照人謂必速化騰上者既而頓挫場屋亦不甚戚戚以讀書教子為樂暇日與親朋酣觴賦詩圍碁賭墅若甚放達不屑家人生產者晚稍廣先疇飾舊廬焉及羣從凋零畧盡名歸然獨存意造物乘除之理則然俄以皆瘍卒年六十一以寶祐四年臘月壬申塋于松嶺茅洋山之原配泰湖陳氏男一人于卿力于學女二人長適方松次適黃天瑞皆名族黃氏女先卒方氏女二十餘即嫠居介潔自持為里節婦君雖不遇然其才於施家教行于子者如此余于山甫之婦君外孫也故于卿以埋文屬全銘曰

士要其終不觀其初或顯融而誰紀或隱約而可
君平生其臺孝威馬少游之徒歟

方君薛氏

贈中奉大夫方公達有三丈夫子伯楫陽令君大
仲寶謨閣學士謚忠惠公大悰君其季也名大鏞字
德錄少與二兄鼎峙有聲場屋既而仲貴顯為端平
賢諫官伯亦通籍封男入謂君功名踵相接
年僅三十九卒以嘉定癸未某月某日塋以端平
午某月某日孺人薛氏左史公元鼎之孫婉孌而
歸君九年而寡二女皆幼二子紹孫方晬貽孫

在腹人謂孺人盛年非久安澹泊者而孺人自誓
若于兒女撫之慈而訓之嚴子俱力學冠婚以時長
女蚤殤次適鄭貢士子簡前卒初中奉公產薄而君
婦尤清貧二兄既仕以汾曲之廬之田巽焉忠
惠公宦游必挈孀幼以俱孺人少守空閨寒暑

至老不變有伯姬之絜深夜一爐長幼團欒共圓

有龐姬之達簪蒿如六珈之飾焉啜菽如五鼎
之奉焉寶祐乙卯年五十七矣以疾卒于寢某月某
日也明年紹孫又卒貽孫將以丁巳某月日葬孺人于
豐城里林店溪中奉公墓側忠惠公所卜也于是

君葬二紀矣始以孺人合祔貽孫纍然來請銘銘曰
余嘗銘君二兄之阡世系詳矣茲碑畧焉

林貴州

余嘗誌外舅林公及沅容二牧之墓君名公奕字養
大沅州之孫容州之仲子也母夏宜人少有聲場屋
璽赦君自容奉賀表詣闕補官銓注將樂縣主簿內
艱調嘉興府酒官汀郡盜起從招捕使陳公子山前
南劍守黃侯埈郡劍捕縣尉入郡幕時更新楮冒利
犯法者衆君兩獲偽造帥真文忠公上勞詔改次等
合入官君蹙然曰彼誅此賞寧無愧乎及聞諸囚人

死乃安諸臺檄攝崇安縣黃侯由劔移建辟知甌
寧縣建卒失伍閉城縱燎邑在郭外衆欲潰去君夜
坐聽事召尉寨兵徹于衆曰令在此無妄動由甌寧
班引授承事郎知莆田縣初余外舅守莆看遺愛君
猶子也其治臺用家法于聽訟扶貧弱惟恐其為大
姓所 也于督賦有劑量未嘗為急符所使也然他
人行之者卒不見知于上官惟君縣譜尤為范侯銘

莆人兩賢之秩滿調通判泉州迎吏及門外
艱調通判建寧府左翼軍餉隸焉稍乏則紛紜君
幹旋士飽馬騰比滿帑有餘積入都自嘆曰吾

貧無貲孤無援將奈何欲部注建漕主管文字會前
庾使樓公治召入而余亦忝冊府禁林樓約余聯名
作箋干光範曰林某庶吏也宜少旌異丞相奏以君
知貴州君携家涉湘入嶺百餘日始至郡久關守顯
印之外空空如也君為攝前郡者補解泉粟各以教
千計在郡一考有半臺閫綱運如期官兵祿廩按月
惟守俸未支者凡九月其急公緩私先人後己者如此
以微恙伏枕三日歿于州治寶祐乙卯三月十三日
也年七十一秩至承議郎娶教氏繼李氏俱贈孺人
男二人誼之聲之孫男三人畊老畧老孫女

三人居仕遠祿薄既卒官下幾不能返喪郡人憐之
代庖者利積俸不還一錢二孤質鬻奉柩舟行二
餘里至惠又陸行二千餘里始達先廬以丁巳三
丙申與兩孺人合塋于福清縣西山之原結庵林
扁曰樂斯君遺命也自士大夫莫不以擁麾凝
香為樂故有腰纏上揚州蒲萄博西涼者彼哉足
論也懷祖求會稽牧之乞湖州不曰名勝乎君世
清苦尤拙仕進其拜州也無他謬巧特以余三人
之薦鄭丞相命直省官持堂帖來語之曰此官人
勿使破費君勞以瓶榶五十而已嗟夫余與樓卿

之舉廉也鄭丞相之調守也將以厚君也然而文淵
病于壺頭也子厚卒于龍城也前之厚君也適所以
灾君也豈非樓卿鄭丞相及余之咎哉初容州早退
高尚晚辭聘召歿贈直煥章閣書容州者以其著云
銘曰 昔優孟之歌其辭謔而俚既不知孫叔亦厚
誣其子余叙君之家清德如伯起雖無遺汝金迺有
貽厥地勉哉后之人可培不可毀惜余去柱下筆之
補野史

馮巽甫

自蜀有狄難而衣冠名族避地者布滿于荆楚江浙

然南轅者尚少嘉熙末余使粵開君開先來為連山
令視其爵里嘆曰天荒地老蜀珎胡為至哉既而聞
連山之民與君相安會余召去不果荐後君出嶺僑
于莆始識君面介而通和而毅開口見肺肝無所回
隱直諒友也淳祐末余行後又見之于建自此不復
相聞余歸老數載足不越戶限君之子邵賢忽來求
君埋辭余驚曰君容死不及知喪歸不及弔余之愧
不可湔矣銘其可辭按君家譜本長安人上世有仕
唐季為綿州彰明令者遂家于普之安岳為郡大姓
有西北二宗君西宗之后自始祖接傳至君登進士